



ԱՇՈՒՆԸ ՀԱՅԱՍՏԱՆՈՒՄ

Գեղեցիկ է աշունը Հայաստանում: Հայաստանը ինքնին գեղեցիկ է, տարվա բոլոր եղանակներին, բայց Հայաստանի աշունը անկուգական է, անկուգական՝ իր մեղմությամբ ու հզոր շնչով, անկուգական՝ իր ներքին պայքարով: Գեղեցիկ է աշունը հատկապես իմ հայրենի գյուղում՝ Մեղրաձորում, որը գտնվում է Հայկական ՍՍՀ-ի Հրապղանի շրջանում:

Մեքենան թափով սլանում է ասֆալտապատ ուղիով: Շուրջը սարեր են, անտառներ... շուրջը Փամբակի լեռնաշղթային մաս կապող Ծաղկունյաց լեռներն են:

Ակնապիշ հայացքս ուղղում եմ մեքենայից դուրս, նայում եմ դեպի հաստալանջ սարերն ու սվավան անտառները: Ի՞նչ գերահրաշ է բնությունը, հատկապես իր հեքիաթային հմայիչ գույներով, որոնք հատուկ են Հայաստանի աշնանը: Սիրտդ ինքնաբերաբար թըրթռում է, երբ նայում ես հորիզոնի փզգզ գծերին ու մացառներով պարզարված սարերի գագաթներին: Ամեն ինչ խորհրդավոր է, յուրօրինակ:

Ճանապարհին Կուգահեռ, սուր ընթացքով և գոռում-գոչյունով վազում է աշխույժ գետակը, թեպետ տեղ-տեղ տարածվում է, դանդաղեցնում ընթացքը, նման երկար խաղից հոգնած չարաճճի երեխայի:

Այսպես խռչալով ու խոխոջալով հորդում է հիասքանչ Մարմարիկը, որի սառնորակ ծոցի մեջ բազմաթիվ փոքրիկ ձկնիկներ են խայտում, իսկ մանրիկ ալիքների վրա տարրերվում են սպիտակավուն սագեր ու բադեր:

Հանկարծ մեքենան կտրուկ կերպով դանդաղեցնում է ընթացքը և շեղում իր ուղղությունը գլխավոր մայրուղուց: Մտնում ենք

Մեղրաձոր՝ իմ հայրենի գյուղը, որի շուրջը իրենց տիտանական շուրջպարն են բռնել վեհանիստ լեռներն ու դեղնած անտառները: Թվում է, թե գոյացել է մի հսկա կաթսա, որի կենտրոնում գյուղն է՝ իր սպիտակ կտուրներով՝ թաղված պտղատու ծառերի ճյուղերի մեջ:

Անցյալ դարի սկզբին, մի բուռ հայ գաղթականներ, թողած իրենց բնօրրանը՝ Կոգովիտ գավառի նշանավոր Արծափ գյուղաքաղաքը, եկել-հաստատվել են այստեղ. վայր են դրել իրենց մատներին բոլորովին չսպառող պանդխտության ցուպը, մշակել են հողը, մաքրել քարերից, ձուլվել իրենց նոր հայրենիքին, նրա բնությանը՝ դառնալով վերջինիս անբաժանելի մասը: Գյուղի շուրջը, նախկին ամայությունների փոխարեն, փռված են դեղնավուն արտերը, որոնք գյուղի մոտ ավելի ընդարձակ են, իսկ ավելի հեռուն, սարերի ու անտառների լանջերին, փոքրանում են, կլտրալովում բազմաթիվ կածաններով: Սարերի գագաթները ծածկված են սև ու գորշավուն ամպերով, որոնք պսակի նման բոլորել են հորիզոնը:

Երբ եղանակը պարզվում է, հաճելի է ջրը-ջագայել այդ կախարդական աշխարհում, հիանալ բնության պատկերով, կամ էլ տան լակից նայել դեպի հեռու՛ր, հեռու՛ր, դեպի դիմացի հակինթա սարերն ու պճնամուղի պես բազմած անտառները, որոնց ոսկեփառ մորթին շողջողում է արևի ոսկեճաճանչ վարսերի ներքո, նայել դեպի գորշամանուշակագույն սուպերով պատված երկինքը, որտեղ երբեմնի վեհ, վառ ու ջքեղ արեգակը հապիվ է դիմադրում ձմռան անողորմ հարձակմանը:

Այժմ էլ, երբ գրում եմ այս տողերը, աչքերիս դեմ հառնում են ինչ-որ բազմերանգ

գույներ, կարմիր, դեղին, կանաչ... անսովոր, պերճ ու շոյալ գույներ, գույներ, որ չեն հանդիպում նույնիսկ արաբական հեքիաթներում, բայց որոնցից ծորում է թախիծն ու տխրությունը: Երևում են ծառեր, անտառներ...

Եվ ես կասկածում եմ՝ արդյոք կարողա՞նք եմ այնպես նկարագրել աշունը, ինչպես այն կա:

Ծառերը ոսկե շորեր են հագնում, իսկ տները թաղված են երանց ոսկեճամուկ ճյուղերի տակ: Դիմացից թավոտ անտառն է, որը աշնանը նման է ոսկյա պատնեշի: Երբ բարձրանում ես այդ պատնեշի մերկ գագաթը, քեզ թվում է, թե գտնվում ես ոսկե ծովի մեջ, մի կախարդական աշխարհում, ամենի ալիքի կատարին: Շարունակ երեսիդ են խփում ոսկե կաթիլները՝ տերևները: Իսկ եթե առաջին անգամն են գտնվում պողպատի բարձրության վրա, քեզ թվում է, թե ալիքի հետ միասին վայրէջք են կատարում և, ուր որ է, անցնելու են դիմացից եկող ալիքի տակ, կամ էլ ավելի ես բարձրանում դեպի վեր, վեր, շարունակ վեր և այն էլ ահռելի արագությամբ: Օ՛ր, ի՛նչ սարսափելի է: Բայց միևնույն ժամանակ որքան հաճելի է այդ տարափը:

Շուտով սթափվում ես, և նորից քո ուշադրությունը գրավում են բնության գեղեցկությունները: Անտառը ծփում է մեղմ քամուց և իր յուրահատուկ շրջյունով երգում աշնանային մեղեդի: Դողդոջուն տերևները, որոնք վարդաբեր են մայր ծառերը, դողում են աշնան քամուց, իսկ ծառերը պճնամույի պես ցույց են տալիս քամուն իրենց գեղեցիկ պարարանքները և հպարտանում են այն ոսկեփառ, ծիսականաթն շալով, որը գցել են իրենց ուսերին: Սակայն այդ պարզարանքները, այդ ոսկե շալերը ժամանակավոր են: Տերևները լքելու են մայր ծառերին, քմահաճ քամու թեփերին բազմաժյուր են հեռո՛ւ, հեռո՛ւ, կամ էլ քնկնելու են գետին՝ սնունդ դառնալու այն ծառերին, որոնցից իրենք ծնունդ են առել: Ինչ արած. դա է բնության օրենքը: «Ունայնություն ունայնությանց, ունայն է ամեն ինչ» (Ժողովող, Ա, 2): Սնունդ կդառնան, որպեսզի հաջորդ տարին դուրս գան իդր, ավելի գեղեցիկ, ավելի հմայիչ տերևներ:

Ակամա մտաբերում ես Իսրայելի հզոր արքայի՝ Սողոմոն Իմաստունի խոսքերը.

«Մի ապգը գնում է, միտան է գալիս, բայց երկիրը կանգնած է հավիտյան: Արևը ծագում է, և արևը մայր է մտնում, դեպի իր վայրն է շտապում նորից, և այնտեղ կրկին ծագում: Քամին գնում է հարավ, դեպի հյուսիս

դառնում, դառնում-գնում է քամին և շրջադարձով կրկին ետ գալիս: Բոլոր գետերը դեպի ծով են վազում, բայց ծովը չի լցվում, որտեղից որ հոսում են գետերը, նորից այնտեղ են դառնում, որպեսզի նորից հոսեն» (Ժող. Ա. 4—7):

Ճիշտ է, թերևս անսահման է ինքնին բնությունը, սակայն բնության մեջ ամեն ինչ իր ասիմաններում ունի իր սկիզբը և վերջը: Կծաղկեն նոր ծառեր, կծաղկեն նոր տերևներ...

Բայց ոչ, դեռևս վրա չի հասել օրհասը: Դողդոջուն տերևները դեռևս կշարունակեն էմայել մարդկանց ու գեղեցկացնել բնությունը իրենց շքեղ, վառ ու թախծոտ գույներով:

Այո, աշունը Հայաստանում շատ է հետաքրքիր ու հմայիչ: Նույնիսկ գիշերները ուշադրություն հրավրվելով, որ ոսկորները է թափանցում սառը օդը, հիանում ես աստղաբիբեր երկնքով, որտեղ լուսինը, ինչպես դրախտի չքնաղ, լուսավոր փերի, իր թրթռուն հայացքով լուսավորում է շրջակայքը, և նրա երթևեկային մշուշի մեջ հապիվ նշմարվում են արծաթին տվող բարդեղնու տերևները, որոնք դողում են թեթև վեպիտից:

Իսկ զյուղից հյուսիս մեռյալ ամպություն է, որտեղ ամենի, վայրագ հողմերն են թագավորում: Ամենուր մերկ սարեր են ու պղնձե ժայռեր, այդ սարերի մեջ՝ ասես մատներով փորված ձորեր:

Ձգացվում է ձմռան ծանր շունչը: Ուշ աշուն է, ոսկյա աշուն:

Եվ վարձառում ես՝ ինչպիսի՜ վարպետությամբ, ինչպիսի՜ ներդաշնակությամբ է բնությունը, առանց աչք ծակող գծերի, միմյանց կողք դրել շրայն ու մեկամաղձուրը, հեկն ու չքեղը: Եվ ինչպե՞ս կարող ես այդ բոլորը դիտելուց հետո չհավատալ, որ այդտեղ խառն է Արարչի կարգավորող Ձեռքը:

Այո՛, խորհրդավոր է բնության թագավորությունը: Բայց նրա անխմանալի խորհուրդների մեջ մենք տեսնում ենք այն ճարտար ձեռքը, որը կյանք է տվել այդ բոլորին: Ինչպես ասել է սաղմոսեբզուն՝ «Երկինք պատմեն փառա Աստուածող» (Սաղմոս, ԺԸ 2): Դիտելով բնության հրաշալիքները, մենք փառք ենք տալիս Արարչին, փառք ենք տալիս Իր կատարյալ ստեղծագործության համար, փառք ենք տալիս Իր կարգավորիչ տնօրինության համար:

Ե դարի հայ մեծ փիլիսոփա-աստվածաբան Եգնիկ Կողբացին էլ, դեմ դուրս գալով հին հեթանոսական կրոնական ուսմունքներին և նրանց գաղափարախոսներին, որոնք պաշտոն էին բնությունը և բնական երևույթները՝ սրայես աստվածություններ, դրանց ետևում չտեսնելով ճշմարիտ Աստուծո էությունը, նը-

շում է, որ «Եւ մեք ոչ անարգեմք զնոսա, և որ պաշտօն մատուցանեմք նոցա. այլ հայեցեալ ընդ նոսա՝ փառաւորեմք զկարգիչն նոցա և պօրինիչ, զի մեզ ի պէտս են, և կարգչին իրեանց ի փառս»:

Իսկապէս, չկա արդյունք՝ առանց պատճառի, չկա արվեստ՝ առանց արվեստագետի: Բնությունը, որպէս Աստուծո ստեղծագործության արդյունք, իր կատարելությամբ, իր ներքին համաչափությամբ իսկապէս մի սրվեստ է, յուրահառուկ, անձեռակերտ արվեստ, որին չենք հանդիպի ոչ մի նկարչի կտավներում: Այո, մեծ արվեստագետ լինելու համար նախ պետք է հասկանալ բնությունը, ապրել այն, և ապա միայն բառերով, ներկով կամ հնչյուններով, մուրճով կամ գրիչով կրկնօրինակել այն՝ տալով գեղարվեստական

մեկնաբանություն: Այստեղ ցանկանում եմ մեջ բերել գերմանացի մեծ մտածող, նշանավոր բանաստեղծ Գյոթեի խոսքը.

«Ոչ մի նշանավոր արվեստաբան չի ցանկանում իր ստեղծագործությունը դնել բնության ստեղծագործության կողքին կամ նույնիսկ նրա տեղը. բոլոր նրանց, ովքեր այդպէս կվարվեն, պետք է իբրև կիսակատար արարածների արտաքսել արվեստի թագավորությունից և չընդունել բնության թագավորությունը»:

Այսահման է բնության թագավորությունը: Պետք է միայն հասկանալ այն, սիրել ու գուրգուրել: Պետք է միայն պահպանել այն, զգալ ու հաղորդել:

ՇՆՈՐՀՔ ԱԲԵՂԱ ԲԱՂԴԱՍԱՐՅԱՆ

